



DEPUTACIÓN PROVINCIAL
A CORUÑA

Servizo de Promoción Económica, Turismo e Emprego

Referencia: DP0030 / 2025

Expediente convocatoria: 2024000034333

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PROGRAMA DE SUBVENCÍONS DIRIXIDO A ENTES DE XESTIÓN, ASOCIACÍONS, MANCOMUNIDADES E CONSORCIOS TURÍSTICOS PARA A MELLORA DA CALIDADE, COMPETITIVIDADE E ACTIVIDADES TURÍSTICAS, DA PROVINCIA DA CORUÑA, NO ANO 2025 (DP0030 / 2025)

Don **VALENTÍN GONZÁLEZ FORMOSO**, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "Programa de subvencións dirixido a entes de xestión, asociacións, mancomunidades e consorcios turísticos para a mellora da calidade, competitividade e actividades turísticas, da provincia da Coruña, no ano 2025", e vistos os informes do Servizo de Promoción Económica, Turismo e Emprego, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "Programa de subvencións dirixido a entes de xestión, asociacións, mancomunidades e consorcios turísticos para a mellora da calidade, competitividade e actividades turísticas, da provincia da Coruña, no ano 2025", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2025 coa suficiente antelación.

Segundo. Aprobar as Bases reguladoras do "Programa de subvencións dirixido a entes de xestión, asociacións, mancomunidades e consorcios turísticos para a mellora da calidade, competitividade e actividades turísticas, da provincia da Coruña, no ano 2025", que figuran no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar a convocatoria do Programa de subvencións dirixido a entes de xestión, asociacións, mancomunidades e consorcios turísticos para a mellora da calidade, competitividade e actividades turísticas, da provincia da Coruña, no ano 2025, de conformidade coas bases reguladoras que figuran no Anexo - Bases Reguladoras.

O prazo de solicitude iníciase ás 08:00 horas do día 15 de novembro de 2024, e finalizará ás 14:00 horas do día 16 de decembro de 2024, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Quinto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urxente.

Sexto. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercer calquera outro recurso que se estime pertinente.

ANEXO - BASES REGULADORAS

BASES REGULADORAS DO PROGRAMA DE SUBVENCÍONS DIRIXIDO A ENTES DE XESTIÓN, ASOCIACIÓNS, MANCOMUNIDADES E CONSORCIOS TURÍSTICOS PARA A MELLORA DA CALIDADE, COMPETITIVIDADE E ACTIVIDADES TURÍSTICAS, DURANTE O ANO 2025

Datos do programa

Unidade xestora	Servizo de Promoción Económica, Turismo e Emprego
Sección	Sección de Promoción e Desenvolvemento Turístico
Anualidade	2025
Denominación	Programa de subvencións dirixido a entes de xestión, asociacións, mancomunidades e consorcios turísticos para a mellora da calidade, competitividade e actividades turísticas da provincia da Coruña, durante o ano 2025
Beneficiarios	Entes de xestión, asociacións, mancomunidades e consorcios turísticos da provincia da Coruña
Programa	DP0030/2025
Aplicación orzamentaria	0510/4321/46301 ----- 315.000 0510/4321/46701 ----- 150.000 0510/4321/479 ----- 250.000 0510/4321/481 ----- 1.350.000
Importe da convocatoria	2.065.000 € Estes importes poderán ser obxecto de modificación orzamentaria.
Importe do orzamento de gastos	Máximo 187.500 €
Importe da subvención que se vai conceder	Máximo 150.000 €
Importe solicitado	Até o 80% do orzamento de gastos subvencionable
Coeficiente de financiamento	Máximo 0,8
Gasto anticipado	Si, será de aplicación o establecido na disposición adicional das Bases xerais.

Exposición de motivos

A Deputación da Coruña, no marco das súas competencias, destina importantes recursos á actividade de fomento, principalmente mediante a concesión de axudas económicas orientadas á promoción de actividades e investimentos, e mantemento de centros e servizos

considerados de interese público, coa finalidade de contribuír a que as entidades da provincia acaden os obxectivos que lles son propios e de fomentar a participación da cidadanía nos distintos ámbitos de actuación e promover a igualdade de xénero.

1.- BASES XERAIS

Bases xerais reguladoras dos programas de subvencións da Deputación Provincial da Coruña, aprobadas por resolución do presidente da Deputación número 39048 do 1 de outubro de 2024 ([BOP número 190, mércores, 2 de outubro de 2024](#)).

2.- BASES ESPECÍFICAS

Base 1. Réxime xurídico

O marco normativo polo que se rexerán as subvencións concedidas pola Deputación é o establecido nas Bases xerais e na seguinte normativa específica:

- Lei 7/2011, do 27 de outubro, do turismo de Galicia e normativa de desenvolvemento.

A presente subvención está incluída no Plan estratéxico provincial de subvencións da Deputación 2025-2027 aprobado polo Pleno da Corporación en sesión ordinaria do 27 de setembro de 2024 e contribúe ao logro dos obxectivos incorporados no dito plan.

Base 2. Obxecto e finalidade

2.1 Obxecto

O obxecto do programa DP0030/2025 é establecer as normas para a solicitude, a concesión, a xustificación e o pagamento das subvencións, en réxime de concorrência competitiva que conceda a Deputación da Coruña destinadas a financiar as actividades que en materia de calidade, competitividade, organización de eventos e iniciativas turísticas realicen os entes de xestión, asociacións, mancomunidades e consorcios turísticos.

2.2 Ámbito temporal

As actividades obxecto deste programa deben realizarse no período comprendido entre o **1 de xaneiro e o 31 de decembro de 2025**.

Para xustificar os gastos que se realicen no final do período da convocatoria poderán admitirse os xustificantes (factura ou documento equivalente) que sexan expedidos ata o 16

de xaneiro de 2026.

2.3 Finalidade

A Deputación da Coruña convoca esta liña de subvencións como parte da súa política de apoio a entidades locais, supramunicipais, asociativas e mixtas para o fomento da creación de produtos turísticos, mellora da difusión e posicionamento turístico do territorio, fomento da formación no sector e avances na calidade do segmento de mercado, co financiamento de áreas como a formación, a implementación de plans, o desenvolvemento de actividades e a contratación de persoal especializado.

Base 3. Solicitantes

Poderán participar as seguintes entidades, que cumpran os requisitos do seguinte apartado, no momento de presentaren a solicitude:

- Os consorcios turísticos e mancomunidades, con domicilio fiscal na provincia da Coruña, que consten debidamente rexistrados con anterioridade ao 1 de xaneiro de 2025.
- As asociacións turísticas que teñan como finalidade a xestión dun xeodestino, con domicilio fiscal na provincia da Coruña, que consten debidamente rexistradas con anterioridade ao 1 de xaneiro de 2025 e que estean participadas formalmente, como mínimo, do 75% dos concellos do territorio do xeodestino. No caso de existir no ámbito do xeodestino máis dunha entidade que cumpra os requisitos sinalados anteriormente, subvencionarase tan só a de maior puntuación técnica na valoración.
- Outros modelos de entes de xestión turística nos que a cota de participación ou o capital maioritario sexa de carácter público, rexistrados con anterioridade ao 1 de xaneiro de 2025.
- As asociacións que consten debidamente rexistradas con anterioridade ao 1 de xaneiro de 2025 e xestionen algún proxecto turístico certificado pola Unión Europea ou a UNESCO (Reserva da Biosfera, Xeoparque...) que teñan o domicilio fiscal na provincia da Coruña.
- As asociacións sen ánimo de lucro que teñan nos seus estatutos como obxecto principal o turismo, que os seus asociados sexan maioritariamente persoas físicas ou xurídicas relacionadas directamente co sector turístico, realicen actividades turísticas e manteñan oficinas de turismo operativas e atendidas por persoal titulado en turismo, en edificios patrimoniais de carácter singular, propiedade dalgunha administración pública (museos, centros de interpretación, faros, castelos...).
- As asociacións sen ánimo de lucro que teñan nos seus estatutos como obxecto principal o turismo, realicen actividades turísticas e abarquen, como mínimo, a 4 concellos da provincia da Coruña. Deben desenvolver produtos definidos e diferenciadores e non poden solaparse coa totalidade de concellos dun xeodestino xa subvencionado en máis dun 50%.

- Os Convention Bureau e asociacións de Operadores Profesionais de Congresos, debidamente rexistradas con anterioridade ao 1 de xaneiro de 2025, que teñan o seu domicilio fiscal na provincia da Coruña e que teñan como obxecto principal o desenvolvemento e promoción do turismo MICE nesta provincia.
- Quedan expresamente excluídos desta convocatoria os Grupos de Desenvolvemento Rural, os Grupos de Acción Costeira e calquera outro ente xestor de fondos europeos participados directamente pola administración autonómica e/ou estatal, coa excepción dos modelos de xestión e/ou asociacións que xestionen certificacións internacionais.

Base 4. Gastos subvencionables

Conta	Descrición da conta, segundo o Plan Xeral de Contabilidade
607	Traballos realizados por outras empresas (traballos necesarios para o proxecto encargados a outras empresas, incluídos os gastos de manutención e aloxamento necesarios para a realización da actividade, que non son imputables á conta 629 por non ser persoal propio da empresa.)
621	Arrendamentos e canons
622	Reparacións e conservacións
624	Transportes (só gastos de desprazamentos concertados con terceiros en transporte público ou privado agás os que deban incluírse na conta 629)
627	Publicidade e propaganda
628	Subministracións
629	Outros servizos (só gastos de desprazamento e aloxamento do persoal da entidade necesarios para a realización da actividade)
640	Soldos e salarios
642	Seguridade Social a cargo da entidade
649	Outros gastos sociais

Consideracións respecto dos gastos subvencionables:

- Os gastos xerais da entidade (persoal e gastos correntes) poderán subvencionarse co límite do 15% do importe dos gastos directos admitidos como subvencionables.
- No caso de gastos de persoal que se dedique directamente ao desenvolvemento do obxecto subvencionado poderá considerarse gasto directo. Esta vinculación deberá acreditarse na memoria no trámite da xustificación. Este gasto de persoal será imputado proporcionalmente á porcentaxe de tempo dedicada aos proxectos incluídos no obxecto da subvención.

Serán obxecto de axuda os proxectos que se desenvolvan en relación coas seguintes liñas:

A) Actuacións en materia de calidade

Serán admisibles e avaliábeis aqueles proxectos que leven aparelado un incremento da calidade na prestación dos servizos turísticos no territorio. Valoraranse especialmente os plans de formación encamiñados á mellora da calidade dos servizos e actualización e profesionalización dos sectores directamente relacionados coas actividades turísticas.

B) Organización de celebracións e eventos turísticos

As actuacións presentadas baixo este apartado deberán, en calquera caso, reunir os seguintes criterios xerais:

- En todos os casos o tema da celebración deberá gardar unha estreita relación coa entidade que o promove e tanto o evento en si mesmo, como as actuacións concretas que se organicen, terán un carácter xeneralizado. Deberán demostrar a capacidade de captar unha afluencia importante de visitantes de fóra do ámbito territorial de xestión da entidade solicitante.
- Poderán ser acollidos tan só aqueles eventos cun orzamento (inicial e xustificado final) igual ou superior a 20.000 euros.
- Quedarán excluídos os eventos celebrados dentro de festas patronais, romarías, festexos de carácter relixioso (salvo que estean declaradas de interese turístico).
- Un ente supramunicipal poderá presentar, como máximo, dous eventos, que se realicen en concellos diferentes, agás no caso dos Convention Bureau e dos Operadores de Congresos que poderán realizar os dous eventos na mesma localidade.

Os eventos turístico-festivos e os turístico-deportivos deberán xustificar, en todo caso, a súa integración dentro dos Plans de desenvolvemento turístico da súa zona.

Nesta liña os gastos subvencionables están suxeitos ás seguintes limitacións:

- Os gastos propios da organización do evento que estean relacionados directamente co eixe principal do devandito evento.
- As actuacións dinamizadoras do evento de rúa, de carácter xeneralizado e público a condición de que non supoñan unha programación con identidade propia paralela ao evento principal.
- As axudas de custo de invitados especiais (xornalistas, escritores, etc...) susceptibles de xerar publicidade gratuíta, como gastos de desprazamento, aloxamento e/ou manutención, non así agasallos ou obsequios de carácter xeneralizado.
- Os gastos da contratación de asistencia externa serán imputables até un máximo do 30% do total dos gastos derivados do evento.
- Os gastos de comunicación e publicidade serán imputables até un máximo do 30% do total dos gastos derivados do evento.
- Será tamén obxecto de subvención nos casos nos que o tema central sexa un produto gastronómico relacionado coa entidade que o promove, e unicamente nestes

casos, a materia prima producida no territorio obxecto da subvención, máis os ingredientes básicos necesarios para a súa elaboración.

- En todo caso gastos, ingredientes e elaboración non poderán supor máis dun 20% do orzamento de gastos derivados do evento. Non están contemplados nesta convocatoria os gastos de roupa ou utensilios para degustacións, nin os de comidas populares ou institucionais, os concertos ou verbenas nocturnas, nin charlas ou conferencias.
- O orzamento deberá estar debidamente desagregado e agrupado como mínimo nos seguintes conceptos: gastos de organización, asistencia técnica, axudas de custo dos convidados, actuacións de animación, produtos alimenticios, actuacións de promoción e comunicación, e no seu caso gastos de persoal.
- O devandito orzamento deberá, en calquera caso, gardar coherencia e proporcionalidade no seu conxunto.

Todas as restricións de porcentaxe de gasto reflectidas serán de aplicación unicamente no desenvolvemento desta liña de traballo “B) Organización de celebracións e eventos turísticos”

C) Iniciativa de desenvolvemento de produtos

Esta epígrafe ten como obxectivo acoller aquelas actuacións e propostas dinamizadoras que melloren a experiencia turística no territorio, propostas que, en todo caso, deberán reunir os seguintes requisitos:

- A actuación debe ter unha clara vocación de permanencia e continuidade no tempo e capacidade de xerar ingresos directos ou indirectos no sector empresarial, sector que, en todo caso, deberá participar do proxecto de forma activa. As actuacións deben ser innovadoras evitando repetir actividades na medida do posible e, no caso de ser a mesma actividade, debe contar con melloras.
- Se a proposta inclúe visitas ou actividades previstas para a participación dun grupo de persoas, establecerase un mínimo de persoas necesario para a súa realización.

Enténdense como gastos susceptibles de seren acollidos, entre outros, os seguintes:

- Gastos de deseño da proposta ou de desenvolvemento de contidos.
- Gastos de asistencia externa para a coordinación da execución da proposta e control do cumprimento de obxectivos.
- Material interpretativo do recurso turístico, sempre relacionado coa proposta que se desenvolva.
- Gastos de comunicación, promoción, necesarios para dar difusión á proposta.
- Gastos que resulten inherentes ao proxecto e sen os cales este perde o seu sentido (non se considerarán como tales os gastos de oficina ou papelería).

Base 5. Compatibilidades e exclusións

Non serán obxecto de subvención:

- As actividades xa subvencionadas pola Deputación da Coruña no presente exercicio. Non se poderá financiar o mesmo obxecto cunha subvención de concorrencia e outra nominativa, por seren incompatibles, neste caso a entidade beneficiaria tería necesariamente que renunciar a unha delas.
- As actividades que non se correspondan co obxecto específico da convocatoria.

As subvencións deste programa son compatibles con outras subvencións, axudas, ingresos ou recursos para a mesma finalidade, procedentes de calquera outra administración ou ente público ou privado, nacional, da Unión Europea ou de organismos internacionais.

Base 6. Forma e prazo da solicitude

Non se admitirá máis dunha solicitude por persoa ou entidade. Co fin de que non se eluda o cumprimento deste límite, considerarase que existe só una persoa xurídica privada cando as persoas socias ou directivas sexan comúns en máis dun 50 por cento en dúas ou máis entidades nos termos establecidos na Lei xeral de subvencións e nas súas normas de desenvolvemento, así como as que puideren encaixar no concepto de grupo nos termos dispostos no Código de Comercio.

A forma e prazo da solicitude regúlanse nas Bases xerais.

Base 7. Compromisos e obrigas

As entidades beneficiarias deberán cumprir, ademais dos indicados na Ordenanza xeral de subvencións e transferencias e nas Bases xerais, os seguintes compromisos e obrigas:

7.1 .- Difusión do apoio da Deputación

As entidades beneficiarias incluírán en lugar visible o [logotipo da Deputación](#) na súa páxina web e nos soportes de difusión das actividades subvencionadas.

As obrigas de difusión do apoio da Deputación entenderanse desde a data de concesión ata o pago da subvención.

7.2.- Comunicarlle á Presidencia da Deputación da Coruña e á Sección de Promoción e Desenvolvemento Turístico, con carácter previo, a presentación das actividades subvencionadas e campañas de promoción relacionadas.

7.3. Lingua galega

As entidades beneficiarias deberán ter sempre a súa páxina **web oficial en lingua galega** e o conxunto de soportes informativos e de difusión das súas actividades (folletos, carteis, cuñas de audio, programas de man, etc.) deberán de estar sempre en lingua galega, sen que iso non exclúa a posibilidade de utilizaren tamén outras linguas.

Non se subvencionarán actividades, materiais nin contidos que exclúan a lingua galega. Polo tanto, todas as actividades e materiais subvencionados deberán realizarse en lingua galega, sen prexuízo de que tamén poidan incluír outras linguas.

7.4 Recollida de datos desagregados

Conseguir datos desagregados por sexo no caso de realizar estudos, estatísticas, enquisas e formularios.

Base 8. Valoración das solicitudes e procedemento de concesión

8.1 Criterios de valoración:

A concesión das subvencións realizarase en réxime de concorrência competitiva polo procedemento de concesión provisional e concesión definitiva regulado nas bases xerais destas axudas e será aprobada por resolución da presidencia.

A cantidade que se concederá dependerá da suma agregada dos diferentes criterios e as súas respectivas ponderacións, tendo en conta os límites máximos e mínimos cuantitativos e porcentuais establecidos, así como o redondeo ao céntimo das cantidades resultantes.

Para a valoración das solicitudes desta convocatoria seguiranse os seguintes criterios de baremación:

Número total de prazas de aloxamento en establecementos turísticos do territorio. Este dato extraerase do Rexistro oficial de empresas e actividades turísticas dependente da Dirección Xeral de Turismo, referido a 31 de decembro do ano anterior ao da convocatoria.	Entre 1 e 1.000----- 4 puntos Entre 1.001 e 3.000-----8 puntos Entre 3.001 e 5.000---- 12 puntos Entre 5.001 e 10.000-- 16 puntos Máis de 10.000-----20 puntos	Ata 20 punt os
---	--	-------------------------

Poboación residente no territorio obxecto de xestión da entidade solicitante	Menos de 30.000----- 5 puntos 30.000 a 50.000----- 10 puntos 50.001 a 100.000----- 15 puntos Máis de 100.000----- 20 puntos	Ata 20 puntos
Festexos declarados de interese turístico galego ou estatal que se desenvolvan no ámbito do territorio	1 punto por evento	Ata 5 puntos
Valoración técnica do proxecto segundo a memoria subministrada	Descrición das actividades, obxectivos e cronograma -- Ata 10 puntos Plan de difusión -- Ata 5 puntos Fundamentación das razóns de interese público -- Ata 5 puntos Visitas guiadas e produtos turísticos suxeitos a prezo público - Ata 5 puntos (1 punto por recurso) Ter algunha declaración recoñecida pola Unesco --- 5 puntos Plan de avaliación: definición de indicadores e avaliación continua --- Ata 5 puntos	Ata 35 puntos
Coeficiente de financiamento ou capacidade de autofinanciamento da entidade "segundo a súa definición, recollida no apdo. 9.4.2 da parte xeral destas bases. De tal xeito que a menor coeficiente meirande puntuación obtería a entidade solicitante"		Ata 15 puntos
Emprego da lingua galega nas actividades		Ata 5 puntos

A valoración e asignación de puntos a cada solicitude realizarase polo persoal funcionario da unidade xestora.

Unha vez comprobada a adecuación das solicitudes ao obxecto da convocatoria e realizada a valoración, elaborárase unha listaxe por orde de puntuación, de onde será extraída a proposta de adxudicación.

Base 9. Xustificación e pago

A xustificación poderá presentarse a partir do día seguinte á publicación da resolución de concesión definitiva das subvencións no BOP. O prazo para a xustificación das subvencións rematará o día **31 de marzo de 2026, ás 14:00 horas**.

Base 10. Incumplimentos e sancións

Será de aplicación o disposto nas Bases xerais reguladoras dos programas de subvencións da Deputación Provincial da Coruña e na Ordenanza xeral de subvencións e transferencias.

ANEXOS DOCUMENTACIÓN

ANEXO I - Documentación da solicitude

Declaracións:

- A entidade que represento cumpre todos os requisitos esixidos aos solicitantes nas bases reguladoras da presente convocatoria e na Ordenanza xeral de subvenciones e transferencias da Deputación Provincial da Coruña, e no caso de resultar beneficiaria da subvención comprométese a cumprir fielmente todas as obrigas e compromisos recollidos nelas e a acreditar de forma fidedigna o seu cumprimento no caso de ser requirida pola Deputación.
- A entidade que represento comprométese a utilizar a lingua galega no desenvolvemento do proxecto subvencionado e na produción escrita e oral (cartelaría, publicidade oral e escrita, redes sociais, etc.) a que dea lugar toda a actividade subvencionada, e a dar cumprimento á aquelas outras obrigas establecidas nas bases específicas en relación coa lingua galega.
- A entidade que represento comprométese a empregar unha linguaxe non sexista e inclusiva; tratar as imaxes con valores de igualdade, presenza equilibrada, diversidade, pluralidade de roles e identidades de xénero e a conseguir datos de participación desagregados por sexo no caso de estudos, estadísticas, enquisas e formularios.
- A entidade que represento comprométese a dar cumprimento das obrigas de difusión do apoio da Deputación establecidas nas bases específicas.
- A entidade que represento está legalmente constituída antes da presentación da solicitude e dispón dos estatutos adaptados á lei vixente. Asemade, o seu obxecto facúltaa para a participación nesta convocatoria.
- Declaro que nin eu nin a entidade á que represento estamos incursos/as en ningunha das prohibicións establecidas no art. 10 da Lei 9/2007 de subvencións de Galicia, do 13 de xuño, para ser beneficiarias ou percibir subvencións da administración pública.
- A entidade que represento comprométese a solicitar tres orzamentos de distintos

provedores, no caso de que contrate cun mesmo provedor un gasto superior a 15.000 € (IVE excluído) pola prestación dun servizo, e de que seleccionará un deles de xeito motivado, nos termos do artigo 31.3 da Lei 38/2003, do 17 de novembro, xeral de subvencións.

- Declaro coñecer a seguinte información en materia de protección de datos: Os datos persoais facilitados nas solicitudes serán tratados pola Deputación da Coruña co fin de levar a cabo a tramitación administrativa do programa correspondente.

A lexitimación para o tratamento dos datos persoais baséase no cumprimento dunha misión de interese público. No caso de que a Deputación utilice imaxes de persoas físicas para promocionar a súa actividade subvencional contará co consentimento das persoas afectadas e será este a base lexitimadora dese tratamento.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se consideran que o tratamento incumpre co establecido no Regulamento Xeral de Protección de Datos poden reclamar perante a Axencia Española de Protección de Datos.

As persoas interesadas poden consultar máis información relacionada coa protección de datos na Política de Privacidade da Deputación ou dirixindo un correo a delegadodeprotecciondedatos@dacoruna.gal.

Documentación:

- Certificación do acordo de solicitude, de representación, delegación, cargos da entidade e, no seu caso, número de persoas asociadas.
- Memoria da solicitude
- Estatutos da entidade adaptados á lexislación vixente nos que conste a inscrición no rexistro público correspondente.
- No caso de que algunha das actividades que execute a entidade solicitante implique o contacto habitual con menores de idade, certificación de que comprobou que o persoal ao seu cargo non foi condenado por sentenza firme por ningún delito contra a liberdade e indemnidade sexual, que inclúe a agresión e abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como trata de seres humanos. Igualmente, para o persoal que se incorpore con posterioridade ás actividades subvencionadas, compromiso de facer a comprobación a que se refire este apartado. No caso de que a realización das actividades non implique o contacto habitual con menores de idade, deberán achegar unha certificación da entidade neste senso.
- No caso de que a entidade solicitante concerte a execución total ou parcial da

actividade ou proxecto subvencionado con persoas físicas ou xurídicas vinculadas á entidade: Solicitud de autorización segundo o disposto no artigo 29.7.d, da Lei xeral de subvencións e artigo 68 do Regulamento desta lei aprobado por RD 887/2006, do 21 de xullo.

- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- Informe técnico, certificado pola secretaría dos entes de xestión, asociacións, mancomunidades ou consorcios no que consten os datos subministrados na solicitud para os efectos de baremación.
- Calquera outra documentación, compromisos ou manifestacións que sexa precisa para a valoración da solicitud.

A entidade deberá presentar a documentación esixida segundo os modelos que figuran na plataforma Subtel.

ANEXO II - Documentación xustificación

Declaracións:

- A entidade que represento deu cumprimento as obrigas de difusión do apoio da Deputación establecidas nas bases específicas.
- A entidade que represento non ten pendente de xustificación ningunha cantidade anticipada pola Deputación na que xa rematara o prazo para a presentación de xustificantes.
- No caso en que os gastos subvencionables non acaden o importe mínimo para xustificar, ou se aplique algunha das reducións contempladas nas bases ou no caso en que a achega provincial, xunto cos outros ingresos percibidos para o mesmo obxecto, supere aos gastos executados: a entidade que represento renuncia á parte da achega provincial non xustificada. A xustificación insuficiente poderá dar lugar ao reintegro das cantidades anticipadas.
- No caso en que a xustificación se presente fóra de prazo: A entidade que represento acepta a sanción que corresponde e consente en efectuar voluntariamente o pagamento desta mediante compensación no pago da subvención, e non presentará alegacións nin recurso ningún ao respecto (Esta declaración suporá unha REDUCCIÓN DO IMPORTE DA SANCIÓN DUN 90%).

Documentación:

- Acreditación da representación, delegación e cargos da entidade, cando se produzan variacións respecto dos datos expostos na solicitude.
- Memoria xustificativa do cumprimento das condicións impostas na concesión da subvención con indicación de:
 - Actividades realizadas, persoas beneficiarias, resultados obtidos e desviacións acaecidas.
 - Acreditación da vinculación dos gastos de persoal coas actividades subvencionadas.
 - No caso de que na memoria da solicitude se estableza que as actividades subvencionadas se encadran en máis dunha das liñas dispostas na base 4 das específicas, indicárase cales son os gastos asociados a cada unha delas relacionando os importes coas facturas emitidas.
- Relación clasificada dos gastos realizados: Documento descargable en SUBTeL e que se xera automaticamente unha vez rexistrados os gastos da actividade ou investimento obxecto de subvención no apartado correspondente da xustificación.

No suposto de que se xustifiquen gastos de persoal, no detalle de gastos indicárase, para cada traballador/a e mes, o importe bruto da nómina (conta 640) e o importe da seguridade social con cargo á entidade (conta 642) que corresponda en función do tempo destinado ao proxecto subvencionado

Unicamente se admitirán xustificantes de gasto correspondentes a actividades realizadas entre o 1 de xaneiro de 2025 e o 31 de decembro de 2025.

Os xustificantes de gasto terán que estar expedidos nos períodos sinalados.

Non obstante, naqueles casos nos que as actividades fosen realizadas no final do período da convocatoria de subvencións, poderían admitirse os xustificantes (factura ou documento equivalente) que fosen expedidos ata o día 16 do mes de xaneiro de 2026.

No caso de programas ou proxectos subvencionados en anos sucesivos, presentarase declaración de que os xustificantes que se achegan son distintos dos xa presentados en exercicios anteriores.

No caso das subvencións superiores a 60.000 €, ademais, deberán presentar as facturas de gasto, que se achegarán a cada un dos rexistros da relación de gastos.

- Relación dos ingresos de natureza pública ou privada obtidos para a mesma finalidade, con indicación do seu importe e procedencia, así coma dos propios ingresos que xere a actividade subvencionada ou, pola contra, manifestación de que non se obtiveron outros ingresos para a mesma finalidade.
- Declaración da entidade indicando se está ou non exenta do IVE e se está suxeita á regra de rateo a porcentaxe deducible, xa que só poderá terse en conta o cargo co dito imposto cando sexa soportado pola entidade e na porcentaxe que non fora deducible.
- No caso de que algunha das actividades executadas pola entidade implicara o

contacto habitual con menores, certificación de que se comprobou que o persoal ao seu cargo non foi condenado por sentenza firme por ningún delito contra a liberdade e indemnidade sexual, que inclúe a agresión e abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como por trata de seres humanos (de acordo coa Lei orgánica 1/1996, de protección xurídica do menor, de modificación do Código civil e da Lei de axuízamento civil) ou, pola contra, certificación de que non se executaron este tipo de actividades.

- Proba documental dos medios polos que se lle deu publicidade á subvención concedida e do uso da lingua galega.
- No caso de que contratase cun mesmo provedor un gasto superior a 15.000 € (IVE excluído) pola prestación dun servizo: Copia dos tres orzamentos solicitados e motivación da contratación da empresa seleccionada no caso de que non sexa a máis económica.
- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social

Documentación adicional no caso de que a entidade non estea dada de alta na base de datos de terceiros da Deputación Provincial da Coruña ou teña intención de asignar unha nova conta bancaria:

- Designación de conta bancaria da entidade no modelo aprobado pola Deputación da Coruña, asinado co certificado de representación da entidade
- Certificado acreditativo da titularidade da conta, emitido e asinado electronicamente pola entidade bancaria correspondente ou asinado co certificado de representación da entidade solicitante

A entidade deberá presentar a documentación esixida segundo os modelos que figuran na plataforma Subtel.

ANEXO - EXTRACTO DA CONVOCATORIA

GALEGO

Primeiro. Beneficiarios

- Os consorcios turísticos e mancomunidades, con domicilio fiscal na provincia da Coruña, que consten debidamente rexistrados con anterioridade ao 1 de xaneiro de 2025. - As asociacións turísticas que teñan como finalidade a xestión dun xeodestino, con domicilio fiscal na provincia da Coruña, que consten debidamente rexistradas con anterioridade ao 1 de xaneiro de 2025 e que estean participadas formalmente, como mínimo, do 75% dos concellos do territorio do xeodestino. No caso de existir no ámbito do xeodestino máis dunha entidade que cumpra os requisitos sinalados anteriormente, subvencionarase tan só a de maior puntuación técnica na valoración. - Outros modelos de entes de xestión turística nos que a cota de participación ou o capital maioritario sexa de carácter público rexistrados con anterioridade ao 1 de xaneiro de 2025. - As asociacións que consten debidamente rexistradas con anterioridade ao 1 de xaneiro de 2025 e xestionen algún proxecto turístico certificado pola Unión Europea ou a UNESCO (Reserva da Biosfera, Xeoparque) que teñan o domicilio fiscal na provincia da Coruña. - As asociacións sen ánimo de lucro que teñan nos seus estatutos como obxecto principal o turismo, que os seus asociados sexan maioritariamente persoas físicas ou xurídicas relacionadas directamente co sector turístico, realicen actividades turísticas e manteñan oficinas de turismo operativas e atendidas por persoal titulado en turismo, en edificios patrimoniais de carácter singular, propiedade dalgunha administración pública (museos, centros de interpretación, faros, castelos). - As asociacións sen ánimo de lucro que teñan nos seus estatutos como obxecto principal o turismo, realicen actividades turísticas e abarquen, como mínimo, a 4 concellos da provincia da Coruña. Deben desenvolver produtos definidos e diferenciadores e non poden solaparse coa totalidade de concellos dun xeodestino xa subvencionado en máis dun 50%. - Os Convention Bureau e asociacións de Operadores Profesionais de Congresos, debidamente rexistradas con anterioridade ao 1 de xaneiro de 2025, que teñan o seu domicilio fiscal na provincia da Coruña e que teñan como obxecto principal o desenvolvemento e promoción do turismo MICE nesta provincia. - Quedan expresamente excluídos desta convocatoria os Grupos de Desenvolvemento Rural, os Grupos de Acción Costeira e calquera outro ente xestor de fondos europeos participados directamente pola administración autonómica e/ou estatal, coa excepción dos modelos de xestión e/ou asociacións que xestionen certificacións internacionais.

Segundo. Obxecto

O obxecto do programa DP0030/2025 é establecer as normas para a solicitude, a concesión, a xustificación e o pagamento das subvencións deste programa, en réxime de concorrència competitiva, que conceda a Deputación da Coruña destinadas a financiar ás actividades que en materia de calidade, competitividade, organización de eventos e iniciativas turísticas realicen os entes de xestión, asociacións, mancomunidades e consorcios turísticos entre o 1 de xaneiro de 2025 e o 31 de decembro de 2025.

Terceiro. Bases reguladoras

A presente convocatoria rexerese polas Bases reguladoras publicadas no BOP.

Cuarto. Contía

O importe da consignación ascende a un total de 2.065.000,00 €, con cargo ás partidas: 0510/4321/46301 ----- 315.000 € 0510/4321/46701 ----- 150.000 € 0510/4321/479 ----- 250.000 € 0510/4321/481 ----- 1.350.000 € do orzamento ordinario para 2025. O

importe máximo das subvencións que se concedan será de 150.000 €, e a porcentaxe máximo subvencionable do orzamento de gastos será do 80%

Quinto. Prazo de presentación de solicitudes

O prazo de solicitude iniciárase ás 08:00 horas do día 15 de novembro de 2024, e finalizará ás 14:00 horas do día 16 de decembro de 2024, tendo en conta que, tanto as solicitudes coma o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

CASTELLANO

Primero. Beneficiarios

- Los consorcios turísticos y mancomunidades, con domicilio fiscal en la provincia de A Coruña, que consten debidamente registrados con anterioridad a 1 de enero de 2025. - Las asociaciones turísticas que tengan como finalidad la gestión de un geodestino, con domicilio fiscal en la provincia de A Coruña, que consten debidamente registradas con anterioridad a 1 de enero de 2025 y que estén participadas formalmente, como mínimo, del 75% de los ayuntamientos del territorio del geodestino. En el caso de existir en el ámbito del geodestino más de una entidad que cumpla los requisitos señalados anteriormente, se subvencionará tan sólo a la de mayor puntuación técnica en la valoración. - Otros modelos de entes de gestión turística en los que la cuota de participación o el capital mayoritario sea de carácter público registrados con anterioridad a 1 de enero de 2025. - Las asociaciones que consten debidamente registradas con anterioridad a 1 de enero de 2025 y gestionen algún proyecto turístico certificado por la Unión Europea o la UNESCO (Reserva de la Biosfera, Xeoparque) que tengan el domicilio fiscal en la provincia de A Coruña. - Las asociaciones sin ánimo de lucro que tengan en sus estatutos como objeto principal el turismo, que sus asociados sean mayoritariamente personas físicas o jurídicas relacionadas directamente con el sector turístico, realicen actividades turísticas y mantengan oficinas de turismo operativas y atendidas por personal titulado en turismo, en edificios patrimoniales de carácter singular, propiedad de alguna administración pública (museos, centros de interpretación, faros, castillos). - Las asociaciones sin ánimo de lucro que tengan en sus estatutos como objeto principal el turismo, realicen actividades turísticas y abarquen, como mínimo, a 4 ayuntamientos de la provincia de A Coruña. Deben desarrollar productos definidos y diferenciadores y no pueden solaparse con la totalidad de ayuntamientos de un geodestino ya subvencionado en más de un 50%. - Los Convention Bureau y asociaciones de Operadores Profesionales de Congresos, debidamente registradas con anterioridad a 1 de enero de 2025, que tengan su domicilio fiscal en la provincia de A Coruña y que tengan como objeto principal el desarrollo y promoción del turismo MICE en esta provincia. - Quedan expresamente excluidos de esta convocatoria los Grupos de Desarrollo Rural, los Grupos de Acción Costera y cualquier otro ente gestor de fondos europeos participados directamente por la administración autonómica y/o estatal, con la excepción de los modelos de gestión y/o asociaciones que gestionen certificaciones internacionales.

Segundo. Objeto

El objeto del programa DP0030/2025 es establecer las normas para la solicitud, la concesión, la justificación y el pago de las subvenciones de este programa, en régimen de concurrencia competitiva, que conceda a Diputación de A Coruña destinadas a financiar a las actividades que en materia de calidad, competitividad, organización de eventos e iniciativas turísticas realicen los entes de gestión, asociaciones, mancomunidades y consorcios turísticos entre 1 de enero de 2025 y el 31 de diciembre de 2025.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

El importe de la consignación asciende a un total de 2.065.000,00 €, con cargo a las partidas:
0510/4321/46301 ----- 315.000 € 0510/4321/46701 ----- 150.000 € 0510/4321/479
----- 250.000 € 0510/4321/481 ----- 1.350.000 € del presupuesto ordinario para 2025. El
importe máximo de las subvenciones que se concedan será de 150.000 €, y el porcentaje máximo
subvencionable del presupuesto de gastos será do 80%

Quinto. Plazo de presentación de solicitudes

El plazo de solicitud se iniciará a las 08:00 horas del día 15 de noviembre de 2024, y finalizará a las
14:00 horas del día 16 de diciembre de 2024, toda vez que, tanto las solicitudes como el resto de la
tramitación del programa, se realizará por vía telemática a través de la plataforma SUBTEL, accesible
desde la sede electrónica de la Diputación provincial de A Coruña.